



卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

金湯借箸目錄卷之十一

營陣部 有引

陣

陣論 周臺公

孔明八陣

吳璘疊陣

王夔圓陣

遼人陣法

諸葛亮瞿塘方陣辯

積卒星圖

李靖六花陣

張威撒星陣

戚繼光鴛鴦陣

孫武子常山蛇陣辯



營

諸葛亮八翼陣辯

八翼陣圖

九軍陣法駁議

四方平定陣駁議

摠論

又論

法戒

營地所宜

營地所忌

營之壘

木柵附

營之海

營之門

營之道

營之官

營之箕

營之器

疾藥式

鬼箭撒式

拒馬

剛柔牌

望遠樓圖

望遠鏡式

營之防

兵候

鬼箭筒式

瑯琊版

軟壁

望遠樓

望遠鏡

外探

拓隊

夜號

夜巡

營之制

備夜戰

營之禁

割驢耳

鬻高麵者

行師留營

車

摠論

奴戰法

車營制虜

車材

車士

車製

小車

火車

葉公神銃車式

歷代車攷攷

衛青

李陵

光武

楊璇

田豫

馬隆

劉裕

楊素

李靖

裴行險

吳淑

魏勝

車之時宜

車之地宜

車之答難

周臺公

牌制

用牌

金湯借箸目錄卷之十一終

金湯借箸卷之十一

京口 周 鑑臺公甫 輯著

淮南 李長科小有甫 較訂

同郡 王孟申元嶽甫 叅閱

營陣部

周臺公曰。奴發難二十餘年。賊發難亦十有餘年矣。王師遇之。不但每戰輒敗。且一敗而必至全軍覆沒者。蓋繇于戰與不戰之權。我不得而自主故也。孫子云。我欲戰。敵雖深溝。

高壘不得不與我戰。我不欲戰。雖畫地而守之。敵不敢與我戰。惟能如是。然後可以審利而動。不利而止。保全民命。為國股肱。今則不然。遇賊即戰。非敢戰也。自守無具。不得不戰也。一戰即敗。非欲敗也。自勝無策。不得不敗也。一敗即走。非樂走也。自固無法。不得不走也。一走則土崩瓦解。兵將相離。而全軍覆沒矣。其咎果安在哉。不佞身列行間。始知其弊。大約陣法不明。營規不立。車戰法亡耳。蓋奴

陣

賊之所恃者萬騎奔衝勢銳難禦所以一為蹂躪至無孑遺耳若能明陣法立營規用車戰則不動如山而戰與不戰之權可以操之自我矣勦奴勦寇上報

天子之恩下雪蒼生之痛豈不快哉輯營陣

陣論

周臺公曰營陣之法自軒轅黃帝始神慶世衰諸侯遞相侵伐黃帝習用干戈肆征弗率乃觀

易象布陣。厥名握奇。嗣後則太公有五行三才
陣。周公有農兵陣。楚武王有荆尸陣。鄭莊公有
魚麗陣。齊管子有內政陣。晉荀吳有崇卒陣。吳
姬光有雞父陣。孫武子有乘之陣。韓淮陰有垓
下陣。諸葛君有八陣圖。李藥師有六花陣。下此
如太乙常山車輪罌口衝方雁行天覆地載風
揚雲垂龍飛虎翼鳥翔蛇蟠飛鶚長虹重霞八
卦去古益遠。愈詭愈支。失其旨矣。是以將弁眩
惑。無所適從。非敗於廢法。即敗於泥法。豈小故

哉易曰天垂象聖人則之仰觀積卒見於天文則陣法不始於人而始於天鑑嘗忘寢忘食學古陣法既浩且繁終不得其要領困頓之極一先是甘忽於憤排之餘稍通覺路因悟積卒之妙雖神聖如黃帝諸人無非因此推演提不出其範圍何況下焉者乎按舊說云積卒星在房度西南其星十有二點布為內外二重外圍以八入營也內握以四中壘也合內外而為九九軍也各三星品連以為前後左右四獸之局向

於前者為前拒。鳥陣也。向於後者為後拒。
 蛇陣也。向於左者為左角。龍陣也。向
 右為右角。虎陣也。又外體圓。天陣也。
 內體方。地陣也。外四隅各一。風雲起
 四維也。東西各二。天冲居左右也。內二縱
 相對。天衡居前後也。二橫相對。地軸貫
 中央也。又外四位之相間各離二星之廣。
 內四星之相去各離一星之廣。陣間容陣
 隊間容隊也。前參連如後參連。左參連如

右參連



以前為後以後為前四面如一觸
處為首也合有五營○散有八陣○○○○數起
於五而終於八也繇此觀之則昭昭之上天之
所以顯示于人者其陣至簡而盡至整而固雖
有聖智何以加此無奈後人不知是理務求奇
玄沿至于今更有五弊一曰失奇正之宜蓋制
陣之法有動有靜肱用乃立有体有用奇正乃
生正多而無奇則重而無功奇多而無正則輕
而不固故氤氲变化之時四方交互而出遊奕

更迭而至而中軍四隅之陣未嘗敢動也。四隅
兵動則四方轉而為正。四方之陣未嘗敢動也。
鑑往歲從大中丞張公西征。見諸將新陣法。
舉陣皆動。心竊疑之。嘗與中丞公暨監軍雷
兩津先生。剖晰甚力。蓋變多則煩。動多則亂。兵
之至危。固莫甚於此也。試觀孔明為一代國師。
其名內陣則曰地。曰軸。曰衡者何也。蓋取靜之
義也。靜則主守。其兵為正。其名外陣則曰天。曰
衝。曰風。曰雲者何也。蓋取動之義也。動則主戰。其

兵為奇豈有舉陣盡動之理耶其將固可襲而
虜矣此一弊也二曰昧分合之勢蓋軍有前後
左右中古制也其法不方則圓大要中軍居中
前後左右四軍環遠拱衛意固取于分為犄角
便乎救援也今則不然雖有前後左右中五軍
之名却無前後左右中五軍之實每一閱視不
論數百數千皆相與團聚一隙之地于古開方
立表之法茫然不知嗟乎假令如此便可以成
教閱則我

太祖高皇帝何苦多取民間穡地以廣演武塲耶
作者謂之聖此其故可深長思矣以近日軍容
如此何怪乎一遇交鋒便受賊圍一處稍却全
陣皆却哉謂宜各分部曲各分竒正形勢相離
敵援相接一陣有失諸陣尚全一營被圍諸營
皆救指臂一成攻守皆利當分不分謂之縻軍
此二弊也三曰暗疏密之法蓋布陣之方陣間
容陣隊間容隊人間容人此定式也嘗觀宋史
兀朮最號梟勇善戰然順昌之役大為劉錡所

敗者止因木軍甚衆捱立無縫一遇交鋒皆偏
仄掣肘不得運動而鎬軍踈踈落落欲前則前
欲後則後欲左則左欲右則右長鎗大劍擊刺
自如是以勝耳今人遇賊不鳥驚獸散輒蟻聚
蜂攢情形如此誰肯進當鋒刃皆思退避箭石
所以不待接戰便致奔逃皆繇布陣將官疏密
無法故也可倣古式每軍前後左右俾各占地
二步以示人間容人之意至一陣一隊又各相
容庶幾往來攻守道路井然可免壅塞之患矣

此三弊也。四曰不識行陣合一之機。兵法曰行則成行止則成陣非有二理也。唐史思明極善野戰。遊兵及于石橋。李光弼治軍嚴整。當橋而進。賊不敢犯。豈非部勒有方。隱于成行之中。

寓成陣之法耶。近日以陣爲陣以行爲行。嘗見官軍就途。或先或後。或行或止。不認隊伍。不分次序。將士相離遠者數里。若路逢暴寇。風飄雨驟。突來格鬪。不識何以禦之。古人吉行日可五十里。師行日不過三十里。豈其故爲遲鈍哉。繇


其行必為戰備而大半精神用之於整飭其部
伍耳。今特著為式。凡遇三軍起行。自中軍及四
正四隅八陣。各有先後倫次。不許稍紊。即遇暴
來之鬪。其陣立脚便成。已先為不可勝而待敵
之可勝矣。斯法簡而易操。慎不可忽。倘實行妄
蹈。謂之亂軍引勝。此四弊也。五曰不諳旗鼓關
係之重。夫一軍之中。言不相聞。故為之金鼓。視
不相見。故為之旌旗。則金鼓旌旗者。固一軍之
耳目也。今則少有知其旨者矣。嘗見操熟諸軍。

竟有不待金鼓而自成行陣者此不過繇于習慣一定陣勢人行齊行人止齊止熟則熟矣却非從自己耳聽金鼓目視旌旗心知方向而成者倘遇兩敵交鋒地方非舊且教場敵人非舊日裝塘此時隨機應變全繇將官旗鼓指使欲令進則進令退則退令西則西令東則東方可望勝若平日止靠成套搬演故事不曾教他專心致志去看將官旌旗去聽將官金鼓一到危急之時縱是金之鼓之耳如不聞縱是旌之旗

之目如不見豈不殆哉今特申明此義專教旗
鼓凡我三軍眼不可亂視惟將官旌旗是瞻耳
不可亂聞惟將官金鼓是聽試想一軍之中斬
人者刀刺人者鎗殪人于百步外者弓弩摧鋒
于數里外者銳砲豈不利害然古人只云祭旗
只云釁鼓可見旗鼓乃三軍耳目關係固甚重
也昔吳起臨陣左右進劔起却之曰夫將專主
旗鼓耳一劔之任非將事也可不慎歟今日操
演愈熟三軍耳目愈昏其病全在今日陣法也

是如此。明日陣法也是如此。毫不知變。以悚動其耳目心志。故耳。此五弊也。夫苟一陣之中。竒正得宜。分合得勢。疏密得法。行卽成行。止卽成陣。所麾從移。所指從死。金之則退。鼓之則進。一人學戰。教成十人。十人學戰。教成百人。百人學戰。教成三軍。以戰則勝。以守則固。生靈幸甚。社稷幸甚。

積 卒 五 營



孔明八陣

竊攷孔明八陣之變歷代之說雖不同然其要機全在二十四隊遊兵如歲時之閏補偏救弊皆賴於此故變化不可窮盡假令止於八八六十四陣陣亦易窮矣

李靖六花陣

李靖六花陣等法以方圓曲直銳之形為分合變化之節在陣法特為花步耳至於臨敵無所用之臨敵之時相視地形或丘陵林壑平陸斥

澤之不同。或高下險易。廣狹死生。支掛之不一。而因以制。夫步騎多寡。疎密輕重。分合竒正之所宜而已。非真有方圓曲直。銳之地形。真有方圓曲直。銳之陣勢也。

吳璘疊陣

宋吳璘疊陣法。每戰以長鎗居前。坐不得起。次最強弓。次強弩。跪膝以俟。次神臂弓。約賊相搏。百步內則神臂先發。七十步強弓併發。次陣如之。凡陣以拒馬爲限。鐵鈎相連。俟其傷則更代。

弓弩俱貴久
持全在勢險
節短上得力
曰百步內曰

七十步愈近
愈妙

勝術只在此
門字

之遇更代則以鼓為節騎兩翼以蔽於前陣成而騎退謂之疊陣諸將始猶竊議曰吾軍其殲乎璘曰此古東伍令也得車戰餘意戰士心定則能持滿敵雖銳不能當也及與金酋習不祝胡蓋遇二酋老於兵胡蓋善戰璘挑與戰用疊陣法更休迭出輕裘駐馬而揮士殊死鬪金人大敗降者萬餘

張威撒星陣

宋張威自行伍充偏裨其軍行必若銜枚寂不

聞聲每戰必克金人憚之荆鄂多平野利騎不利步威曰彼鐵騎一衝則吾技窮矣乃以意創撒星陣分合不常聞鼓則聚聞金則散每騎兵至則聲金一軍輒分數十族金人隨分兵則又趨而聚之倏忽間分合數變金人失措然後縱擊之以此輒勝

王夔圓陣

宗利州司都統王夔素殘悍號王夜叉四川安撫制置使余玠至嘉定夔帥所部兵迎謁才羸

弱二百人。玠曰：久聞都統兵精，今疲敝若此，殊不稱所望。夔對曰：夔兵非不精，所以不敢，卽見者恐驚從人耳。頃之，班聲如雷，江水如沸，聲止，圓陣卽合。旗幟精明，器械森然。沙上之人，彌望若林立，無一人敢亂行者。舟中皆戰掉失色。

戚繼光鴛鴦陣

戚繼光每以鴛鴦陣取勝，其法二牌平列，狼筈各跟一牌，每牌用長鎗二枝夾之。短兵居後，遇戰，伍長低頭執挨牌前進，如已聞鼓聲而遲留。

不進卽以軍法斬首其餘緊隨牌進交鋒箠以
救牌長鎗救箠短兵救長鎗牌手陣亡伍下兵
通斬

遼人陣法

遼人兵制每遇對敵於陣四面列騎爲隊每隊
五七百人十隊爲一道十道當一面各有主師
最前一隊走馬大譟衝突敵陣得利則諸隊齊
進若未利引退第二隊繼之退者息馬飲水抄
諸道皆然更退迭進敵陣不動亦不力戰歷二

更休迭進甚
有法

三日待其困退然後乘之此兵之所以強也

孫武子常山蛇陣辯

新令常山蛇陣圖一首唐裴緒之所演也孫子九地篇有云善用兵者譬如率然率然者常山之蛇也擊其首則尾至擊其尾則首至裴緒演而爲蛇陣一軍六千人四千爲步兵布爲前後左右中二千爲騎兵布爲揚奇備伏形如蛇之蟠曲何辯之蓋軍有前後左右中自古之制也其法不方則圓中軍居中前後左右環而遶之

此奇正之所繇出裴緒以前後左右中布爲直陣已失其制矣况孫子所謂率然者謂士卒深入死地其情不得不相救在法而不在形其形如蛇一攻可貫欲首尾相救其可得乎魚復江中孔明以石縱橫布爲六十四壘其形正方桓溫見而嘆曰此常山蛇勢也蓋孔明八陣法以前爲後以後爲前四頭八尾觸處爲首敵冲其中兩頭皆救桓溫知孔明之法故云然也裴緒附會之說何足以爲法耶

諸葛亮瞿塘方陣辯

黃帝握奇陣圓也。圓者分表裏。孔明八陣方也。方者定八向。圓陣以裏爲正表爲奇。故名內陣曰地。曰軸。曰衡。取靜之義也。名外陣曰天。曰衝。曰風。曰雲。取動之義也。方陣以四隅爲正。四方爲奇。名四正爲天地風雲者。乾坤巽艮之位也。名四奇爲龍虎鳥蛇者。震兌離坎之位也。是則孔明之天地風雲。非軒轅之天地風雲。軒轅之衝軸。非孔明之龍虎鳥蛇。亦猶伏羲之

先天後天各隨所取爾欲論握奇只求其法於
內外勿雜以龍虎鳥蛇之稱欲論八陣只求其
法於八向勿混以衡軸衝之號斯兩得之後人
不知其說各以己意牽合握奇經文強比而同
其謬甚矣吁孔明八陣之義唐太宗以問於李
靖則太宗未之了了可知李靖以旂名隊號爲
答則李靖之粗略可見况乎方士俗儒而可怪
之耶

諸葛亮八翼陣辯

卷之十一

太乙統宗寶鑑八翼陣圖一首張燁之所演也
孔明陣無有八翼之名者燁以步卒一十六陣
爲前後二廂以騎兵三十二陣爲左右翼候正
兵之後無奇奇兵之後無正何辯之蓋孔明六
十四陣皆古之車制無非正兵別以二十四陣
爲遊兵則孔明叅用騎兵之法也瞿塘石陣八
八成列其兵環遶於後非特爲殿後耳接戰之
時或以居先或居左右爲翼爲候爲衝爲突爲
揚爲伏無定名也張燁推演陣圖動以六十四

今日可與談
孫吳者其誰
哉

陣居中二十四陣居外實不知孔明遊兵之用也。大率制兵當知伍法。中軍如身。前軍右軍如兩手。左軍後軍如兩足。皆爲正兵。四奇迭出於前後左右之間者。則如爪如牙如嘴如角如羽如翼。無正形無定位。以此而識輕重之權。以此而求動靜之理。然後可與追議孔明之兵法。


陣翼八

風雲
雲風

前八廂

風雲
雲風

左虞候



右虞候

左翼

右翼

風雲
雲風

後八廂

風雲
雲風



九軍陣法駁議

出補筆談

熙寧中使六宅使郭固討論九軍陣法著之爲書頒下諸帥府副藏秘閣固之法九軍共爲一營陣以駐隊繞之若依古法人占地二步馬四步軍中容軍隊中容隊則十萬之陣占地方十里餘天下豈有方十里之地無丘阜溝澗林木之碍者兼九軍共以一駐隊爲籬落則兵不復可分如九人共一皮分之則死此正孫武所謂縻軍也予再加詳定謂九軍當使別自爲陣雖

分列左右前後而各占地利以駐隊外向自繞縱越溝澗林薄不妨各自成營金鼓一作則卷舒合散渾渾淪淪而不可亂九軍合爲一大陣則中分四衢如井田法九軍皆背背相承面面相向四頭八尾觸處爲首上以爲然親舉手曰譬如五指若共爲一皮包之則何以施用遂著爲令

四方平定陣駁議

今之營陣名曰四方平定陣大都以車外環遇

賊衝突間隊出矢砲自車隙中射打賊退出馬
兵追殺復來仍收入車陣中三衝三敵卽此完
局聞之副將王鳴鶴曰此卽宋之平戎萬全陣
之遺矩也宋朝兵制之弱大都繇制陣之無法
俟敵來攻僅爲應兵絕無先發制人及設伏出
奇之策自武穆一出專好野戰不學古法妙用
在心故能橫行匈奴中本朝惟宋制之仍而京
師又四方觀望故天下陣法大致都相彷彿每
當大敵多怯弱而不前欲求敵愾似宜通之

營

總論

凡兵所以逃陣者以營寨不固如行人無家戰一不利無所歸命不逃得乎故宜先定營或憑高山大川或聯戰車火車或結木柵坑塹以爲營選用輕騎若干更番出哨時伏時見時近時遠以爲爪牙勝則率然盤踞之勢也卽不勝而有營可歸較之亡命野竄者遇賊殺遇獲亦殺雖驅之走必不肯矣則練營實爲練膽之本也

又論

凡兵師之營擬於城郭宮室古法多依九宮六甲太乙天門地戶之法徒增疑惑不便於事今但取山川地形便利水草隨其險易爲之禦平則方列圍水則圓開山路則盤回川流則屈曲務於適時使用耳

法戒

宋狄青受命討儂智高野宿皆成營柵四面陳兵鼓弓弩皆數重精銳列布左右守衛甚具方

青之未至也。張忠蔣偕先往。一旦見賊則疾馳使戰。又不知爲營衛。敗則皆望風走。盡合近日敗局。特表出之以爲法戒。且使知非戰之罪也。

營地所宜

下營之法。擇地爲先。地之善者。左有草澤。右有流泉。背山險。向平易。通達樵牧。謂之四備。

營地所忌

一不居天竈。天竈者。大谷之口。

兵法曰。川谷之口。乏水無草。謂之天灶。

一不居龍頭龍頭者大山之端

一不居地柱謂形如覆釜若安營其上八面招風周匝受敵

兵法曰山中之高謂之天柱澤中之高謂之地柱

一不居地獄謂形如仰盆若安營其中被賊四面乘高攻我必敗其中也

兵法曰高中之下謂之天獄下中之下謂之地獄

一不居障塞。謂四通八達。受敵益多。

一不居無出路。謂四面地險。恐被圍難解。及糧

運阻絕。

一不居山林草木蒙密之地。春夏枝葉茂盛。恐有潛襲之虞。秋冬草木枯敗。恐遭風火之患。

一不居江河溝澗汙下之地。恐有漲溢或被決壅。

兵法曰。春夏宜居高。以防暴水。

一不居無水及死水之地。恐士卒渴乏。

張郃拒亮將馬謖于街亭謖依阻南山不下
據城郃絕其汲道大破之

一不居無草之地恐馬失芻牧

兵法曰斥鹵之地草木不生謂之飛鋒

一不居死地舊云謂安營不臨塚墓之地人馬

多夜驚久居士卒必生疾病

一不居惡名如竇入牛口之類是也

一不居下濕恐人多疾病

一不居廢軍故城久無人居者

兵法曰。故村虛落。荒城古砦。謂之虛耗。凡過此地。並去無留。常令我遠之。敵近之。我迎之。敵背之。則此利而彼害矣。

營之壘

舊制築城爲營。其城身高五尺。濶八尺。女牆高四尺。濶二尺。愈高愈妙。

木柵附

若因敵所逼。不及築城壘。或因山河勢險。多石少土。不任板築。乃建木爲柵。皆泥塗以防火攻。

營之溝

凡營盤挑壕兩道。內一道寬一丈五，深亦一丈五。外一道寬一丈，深亦一丈。土散平垣內，高外低，勿礙火砲行路。其守城軍士日間無有烽信，卽下城挑壕，先將舊壕脩濬寬深，而後挑外壕。但使城壕多得幾道，俱極寬深，豈不安穩？進不能奮勇殺賊，退不免於死，而又不鑿壕立塹，此棄物也。

壕外掘陷馬坑一重，濶廿五步。

營之門

匈奴大入邊。乃以劉禮爲將軍，軍霸上。徐厲爲將軍，軍棘門。以亞夫爲將軍，軍細柳。上自勞軍，至霸上及棘門，直馳入，將以下騎送迎。已而之細柳，軍士吏被甲，銳兵刃，彀弓弩，持滿。天子先驅至，不得入。先驅曰：「天子且至。」軍門都尉曰：「將軍令曰：『軍中聞將軍令，不聞天子詔。』」居無何，將軍令曰：「軍中聞將軍令，不聞天子詔。」居無何，上至，又不得入。於是上乃使使持節詔將軍。吾欲入勞軍。亞夫乃傳言開壁門。壁門士吏謂從

屬車騎曰將軍約軍中不得驅馳於是天子乃按轡徐行至營將軍亞夫持軍揖曰介冑之士不拜請以軍禮見天子爲動改容式車使人稱謝皇帝敬勞將軍成禮而去旣出軍門羣臣皆驚文帝曰嗟乎此真將軍矣曩者霸上棘門軍若兒戲耳其將固可襲而虜也至於亞夫可得而犯耶

營之道

尉繚子曰中軍左右前後軍皆有分地方之以

行垣而無通其交往。將有分地。帥有分地。伯有分地。皆營其溝洫而明其塞。令使非百人無得通。非其百人而入者。伯誅之。伯不誅與之同罪。軍縱橫之道。百有二十步而立一府。柱量人與地。柱道相望。禁行清道。非將吏之屬不得通行。采薪芻牧者。皆成行伍。不成行伍者。不得通行。吏屬無節。士無伍者。橫門誅之。踰分干地者。誅之。故內無干令犯禁。則外無不獲之姦。

一兵馬每下營訖營主卽須幹當四司官典兵
官及左右令分頭巡隊問兵士到否如有未
至卽差本隊催促如有逃走卽牒所在捕捉
一軍下營訖司騎及佐分行巡視馬驢有疾者
醫有瘡者剪剔傳藥有傷者申送量事決罰
一下營訖司胄及佐卽巡隊簡較兵甲器仗等
如有破綻損污卽須修葺磨礪如其棄失申
上所繇便爲記案準法科決

一在營司倉及佐監管兵士糧食封貯點驗勿

令廣費

營之算

周臺公曰立營必先計人數配地多少寧使人
浮于地不可地浮于人此孫子所謂地生稱稱
生勝之說也

茅子曰聚三人於室內而不先量其臥處飲
食起居之地則囂然紛矣故營不可以無算
算者豫道也

營之器

器用之設非瞬息可成制作之艱非頃刻可辦
乃若倉卒相逢不期而遇前不得以櫻其鋒後
不得以避其銳當是之時不費寸土尺木而賊
馬自抵於損傷不勞匹馬隻輪而賊騎自至於
顛覆其法亦有六一曰刺毬四方有鋒中間有
蒂以鐵為之二曰蒺藜礪之以鋒淬之以毒以
鐵為之三曰茅針其形如針而稍大以鐵為之
四曰鷲項其形兩曲而上下皆銳以鐵為之五
曰菱角以鐵為菱角六曰阜角以鐵為阜角以

上六法皆預先打造。遇欲用則令筌插撒擲在地者也。

如用蒺藜等器。試於白日不效。試於黑夜必效。迎賊之來路不效。斷賊之歸路必效。硬地不效。無沙地不效。無草地不效。須置於沙草相間之地。蒺藜即染土色。草色賊見土見草不見蒺藜。而後蒺藜得妙其用。徑寸之鋒。躡千里之馬。兵未有奇於此者。

安 營 疾 藜

疾藜繩連利於收起每一小尺一箇每一步
 五箇用繩串入疾藜心中而出每一小隊前
 面間花五層每隊共計十五根附帶鎗牌之
 上以行



鬼

箭

筒



此筒用猫竹去皮蓋使不裂也長一尺上用
木蓋下用原節為底內貯鐵蒺藜以糞汁毒
藥製之戩脚肉爛名曰鬼箭用時手提撒之
下地均勻且速而不結以為阻路守險之用
行則懸之腰間

鬼 箭 撒 式

卷之十一



狼牙版

用版釘狼牙釘於上行則載於糧車之上用則埋於沙礫之中皆能陷賊騎於道峽險要者也

拒馬

設拒馬以制衝突虜勢險而節短五步之內長兵技竭後短兵不備被衝即窘拒馬者攜壘以行而兼車之用

軟壁

用硬木作架高七尺濶六尺取軍中綿絮被用

水浸透掛於架上張之陣前以堵鉛彈


劉柔牌

其架用木為長枕中用一檔牌身與木牌等先用生牛皮二層釘之皮裏用好蚕綿三斤用布序為一袋貼牛皮之間用分水薄棉紙每二張鬆鬆團為一球挨行排之又用蚕棉五斤序布袋一幅蓋之四邊竹釘釘固通用灰漆四明裏面布處用油厚塗使不入水重可十五斤計費五兩只若於價重而官司不能辦耳此外或用

鐵為鋒或用鶯毛人髮或用密紙或用皮漆或用竹木而尖其脊其遮禦鉛子俱未有勝此者也最忌入水坐臥結實

第一層用生牛皮第二層用大蚕綿布納之貼牛皮裡

第三層用薄柔皮紙球密排相挨



第四層用好蚕綿納布一層蓋裡



空胡鹿


凡軍中至夜選聰耳少睡者令臥枕空胡鹿其胡鹿必以野猪皮為之凡人馬行在三十里外東西南北皆響聞其中每營置一二所

望樓

凡軍營中必為望樓選明目能視三四十里者以為望子

大約望樓用一柱者樓防傾仄顛仆夾柱者為佳三柱者尤佳其樓湏可升可降方妙

望 樓 式



望遠鏡

望遠鏡出自大西洋國用筒數節安玻璃兩端
置架上視遠如近視小為大遠望敵人營帳人
馬器械輜重毫髮不爽我可預備戰守安放鏡
砲必不可少者

營之防

茅子曰夜則難防矣其要在于遠探候明更籌辨姦偽略次于左

兵候

凡軍營警備之外每軍必別設兵候一軍量拙戰士三五十人于當軍四而三五里外要害之路夜設外舖每舖給鼓自隨如夜中有賊犯大營即鳴鼓大叫以擊賊後乘得機便必獲克捷

外探

凡軍營下定夜則別置外探每營今夜不收迭作番次於營四面十里外遊奕以備非常如有警急馳報軍中

拓隊

凡軍營慮有突犯即於營外常置拓隊防護量抽戰士充其隊去幕五十步均布若賊來拓隊不敵然後營中出兵相助不得令賊輒犯大營
夜號

大將軍每營印簿一扇每日一行題云某營某

年某月某日號簿每日戌時各營掌夜號宮持簿於大將軍幕前取號大將軍隨意注兩字上一字是坐喝下一字是行答密封函付領回各營裨將開拆即密示坐喝者上一字巡警者下一字使各暗記不可漏泄

夜巡

及夜巡時經遇更舍坐者喝某字巡者即答某字即兩無言放過去如喝答不相投即屬別營人或喝而不答即是姦細隨時拏縛報本營主

將審查虛寔傳報大將軍處分如坐者不喝巡
警人即喝下字坐者仍不答即係睡熟或往他
處偷安巡警人記其舖分報主將查究巡警人
不到者直更人報主將查究

營之制

周臺公曰昔司馬懿與孔明對於渭南孔明病
卒軍退懿按行其營壘處所嘆曰天下奇才也
政服其部分有方敵不得而犯耳又按晉羅尚
遣人夜覘李特營特知之戒嚴以待及至其營

特堅臥不動伺其衆半入發伏擊之大敗若今日之營數賊竊入一軍皆驚矣則有制無制之別也今次其說于左

備夜戰

按兵法有云凡夜戰者多為敵來襲我軍壘不得已而與戰其法在于立營立營之法與陣法同故軍志曰止則為營行則為陣蓋大陣之中必包小陣大營之內必包小營前後左右之軍各自有營大將營居中央諸營環之隅落鈎連

曲折相對遠不過百步近不過五十步道徑通
達足以出入部隊壁壘相望足以弓弩相救賊
夜入營四顧屹然皆有小營各自堅守未知所
攻我當按兵勿動縱賊盡入然後擊鼓諸營盡
應燃火內照諸營兵士悉閉門登壘下瞰敵人
勁弩彊弓四面俱發若奸人潛人一營砍營殺
士諸營即舉火出兵四面繞之號令營中不得
輒動須臾之祭善惡自分若或出走皆有羅網
矣今之立營通洞豁達部分無法若有賊夜至

內不計出

外不許入

軍中無不驚擾。雖多置斥候。嚴為備守。晦黑之夜。彼我不分。縱有衆力。安能用之哉。

營之禁

一下營訖。軍士欲進城貿易者。每隊者火兵二名。給牌出入。餘有擅離信地者。軍法示衆。一營壘既定。其自外屠沽販賣人。一切禁斷。營內自交易。即不禁。

割驢耳

司馬楚之別將督軍糧封沓。上降柔然。說柔然。

令擊楚之。以絕軍食。俄而軍中有告失驢耳者。諸將莫曉其故。楚之曰。此必賊遣奸人入營。覘伺。割以為信耳。賊至不久。宜急為備。乃伐柳為城。以水灌之。城立而柔。然至。水堅滑不可攻。乃散走。

鬻麪者

邛州牙將阡能叛。高仁厚帥兵五百人往代討之。未發前一日。有鬻麪者到營中。邏者疑執而訊之。果阡能之謀也。

周臺公曰。司馬楚之高仁厚。兩人皆稱名將。乃治軍簡易如此。倘有荆聶之徒。取大將首。如探囊耳。故立營維務概不贅錄。而止以營禁附于數則之後。

行師留營

善行師者。行必結陣。見可而進。知難而止。每行一次。必立一營。貯收糧草。兼作退步。各路兵深八百數十里。必留營數所。撥兵防守。如前路迎敵。猝有不虞。就近憑營。庶幾人心有所繫屬。不

至如鳥獸散徒資寇兵也

車

總論

李綱請造戰車曰虜以鐵騎勝中國其說有二
而非車不足以制之步兵不足以當其馳突一
也用車則馳突可禦騎兵馬弗如之二也用車
則騎兵在後度便乃出戰卒多怯見敵輒潰雖
有長技不得而施三也用車則人有所依可施
其力部伍有束不得而逃則車可制勝明矣靖

論車戰莫詳
于此

康間獻車製者甚衆獨摠制官張行申者可取其造車之法用兩竿雙輪推竿則輪轉兩竿之間以橫木筦之設架以載巨弩其上施皮籬以捍矢石繪神獸之象弩矢發於口中而竅其目以望敵其下施甲裙以衛人足其前施鎗刃兩重重各四枚上長而下短長者以禦人也短者所以禦馬也其兩旁以鐵為鈎索止則聯屬以為營而將佐衛兵及輜重之屬皆處其中方圓曲直随地之便行則鱗次以為陣止則鈎聯以

為營不必開濬塹築營壘最為簡便而完固
先臣余子俊言大同宜撫地方地多曠衍車
戰為宜器械乾糧不煩馬馱運有足之城策
不餉之馬因獻圖本及兵部造試所費不貲
而遲重難行率歸于廢故有鷓鴣車之號謂
行不得也夫古人戰皆用車何便于昔而不
便于今殆考之未精制之未善而當事者遂
以一試棄之耳且如秦築長城萬世為利而
今之築堡築垣者皆云沙浮易圯趙充國屯

田亦萬世為利而今之開屯者亦多築舍無
成是皆無寔心任事之人合羣策以求萬全
故也法曷故哉敬嗚呼苟無寔心任事之人即
盡聖祖神宗之法制皆題之曰鴈鵠可矣

居前老弱居後者不同此必非我之弓矢決縣
能抵敵也。惟火器戰車一法可以禦之。請造雙
輪戰車約三四千輛為率。每車載大砲二位。翼
以步軍十人各持火鎗。輪打夾運。行則衝陣止
以立營。方為穩便。

車營制虜

虜馬奔衝信非中國之馬可禦者。車戰不諱。以
我之短犯彼之長。終不濟也。一諱車戰。則人笑
以為迂。似以遲頓之車而欲與馬足較勝負。斷

無勝理。殊不知車者原取其整齊部伍鎮靜人心。進無速奔。退無遽走。奈何欲與虜馬較遲疾也。古稱北邊良將莫過李牧。夫李牧之用兵。虜入則牧保而無亡失。守邊之策當于要路之衝。下一車營。一切騎步皆收入營內。如虜騎來逼。則將車上火器次第制之。虜遁則放開馬門。發騎兵以追之。若係誘我。或衆寡不敵。則仍收入營中。虜再至。則車上攻打。復如初。虜自東來。則東路要衝如此。應之。虜自西來。則西路要衝如

此應之兵法所謂先為不可勝以待敵之可勝者此也我朝傾東南之財守西北之虜奉若驕子無敢言戰雖邊捷屢報皆待其已死而斬之者未曾敢有旗鼓相當一戰無非畏其奔衝之勢若車戰可行則吾兵藉以為勢而出塞之功亦可望矣

車材 以堅為貴

車戰之法必不可無而造車之材未得其妙以北方產無良木彼督造之人貪婪減尅又以朽

腐為之搽練日久櫛風沐雨比至乘車而戰非
衡軸折則輪轂裂為誤甚大平日費財造車臨
時無一車之用甚可惜也惟粵東所產紫荊木
質實而性堅暴露風雨十年不朽其價值亦與
檀榆相埒請派定一車之式鋸為條方採運前
來不過度嶺一日略費夫役此外便可乘舟渡
江及河徑至通州造為戰車則堅固渾厚保無
決裂以四年一採五年一修所節省公費亦甚
不少真愈于一年一造而無寔用者也

車士

古者車戰之法。每車甲士三人。步卒七十二人。二十四人居前。左右各二十四人。居前者戰。左右挾轅相為更番。後又二十五人為一隊。去車二十五步。所謂炊家子守衣裝。廝養樵汲者。

車製
以輕為貴

國朝摠制劉天和奏其略曰。竊聞古兵家者流。卒不能勝騎。騎不能勝車。歷攷前代名將。及訪先年摠兵官仇鉞。曾用屯田車以解寧化寨之

圍近年提兵官王効曾用拽柴空車以遏興武
營套虜之入固歷有成效矣然非臣創為也查
今各邊亦有國初以來歷年所造戰車其制度
不一甘肅寧夏固原其餘邊堡多有存者但皆
雙輪大車每輛二十餘人輓之其行甚遲少遇
洧澗險阻即不能越以是不適于用惟弘治年
間尚書秦紘所造隻輪小車嘗以其式上請
孝宗皇帝嘉獎取名全勝每車二人推之二人
輓之兩車相連可蔽四十人戰則隨地形環布

拒可以營可以載其費廉其利廣

周臺公曰軍無輜重則亡無糧食則亡無委積則亡三者兵之至要也今日行軍衣甲器械既各自賫若復責以裹粟米挾輜重力必不勝若輕身而行又犯三者之忌不敗得乎南方地即阻隘倘用此車每伍車一乘每乘夫二名如古廝徒炊子之用公用輜糧悉在其上卒然遇敵立地成營一便兵有所依不思逃竄二便施放火器心定持滿三便利則


進攻不利退守操縱由我四便輜重糧食委
積盡在軍中即被圍困足以自全五便何至
為戎馬馳突畏賊如虎哉

火車

虜馬擁衆無計可禦用車以陣誠為有足之城
不秣之馬矣但所恃全在火器火器若廢車何
能禦如火箭車大將軍車之類不可不預辦也

葉公神銃車式

存此一式
餘可類推



歷代車效攷

衛青擊匈奴以武剛車自環為營

李陵至浚稽山猝與虜遇衆寡不敵乃以大車為營引士出營為陣千弩俱發虜乃引去

此車之用于西都者也

光武造樓櫓戰車置塞上以拒匈奴

漢靈帝時蒼梧桂陽賊攻郡縣零陵太守楊琰制馬車數十乘以排囊盛石灰於車上繫布索於馬尾又為兵車專殼弓弩及戰令馬車居前

順風鼓灰賊不得視因以火燒布布燃馬驚犇
突賊陣因使後車弓弩亂發鉦鼓鳴震羣盜破
散

此車之用于東都者也

魏鄆陵侯彰征代都以田豫為相軍次易北虜
伏騎擊之軍人擾亂莫知所為豫因地形回車
結圜陣弓弩持滿於內疑兵塞其隙胡不能進
散去追擊大破之

馬隆西渡溫水虜樹機能等衆萬計乘險遏隆

或設伏以截隆後。隆依八陣圖作偏箱車。地廣則為鹿角車營。路狹則為木屋。施於車上。且戰且前。弓矢所及。應弦而倒。前後誅殺及降附者以萬計。涼州遂平。

此車之用于魏晉者也。

劉裕伐南燕。以車四千乘為左右翼。方軌徐進。與燕兵戰于臨朐。南裕因縱兵奮擊。大敗之。突厥達頭可汗犯塞。諸軍與虜戰。每慮胡騎奔突。皆以戎車步騎相參。舉鹿角為方陣。騎兵在

內楊素曰此乃自固之道也

此車之用于南北朝者也

李靖與太宗論兵法曰跳盪騎兵也戰鋒隊步
騎相半也駐隊兼車乘而出也臣討突厥越險
數千里此制未嘗敢易古人節制信可重也
突厥阿史德溫傳反裴行儉詐為糧車三百乘
伏壯士五輩虜果掠車車中士突出殺獲幾盡
馬燧為戰車冒以狻猊象行則以載止則為陣
討田悅燧乃推大車焚悅將楊朝光柵破之

此車之用于唐者也

宋真宗咸平中吳淑上疏請復古車戰之法謂
夫人平居猶必謹藩籬固關鍵以備不虞何況
當胡虜之戰陳禦突騎之輕慄而無敵護哉夫
人之被甲鎧所以蔽護其身也而戰之用車亦
一陳之甲鎧也夫鱗介之蟲肌肉在內鱗介在
外所以自蔽豈可使肌肉居外而鱗介反在內
乎夫用車以戰亦一陳之鱗介也故可以行止
為營陳賊至則斂兵附車以拒之賊退則乘勝

車之答難 周臺公

或難曰馬疾而車鈍用以戰虜必無勝理答曰
凡器各有長短星馳電擊車之所短也安營
固壘車之所長也但取其足以整束部伍先
為不可勝耳奈何欲與虜馬爭角逐之利哉
或難曰宋失西北二邊之險而以平原曠野為
邊利用車戰今日之邊皆連山峻嶺浮河積
石大車決不可用答曰大車不可用輕車們
不可用乎雙輪者不可用單輪者獨不可用

乎。昔馬隆。扁箱。未聞其以地險路狹之故。遂廢中國之長技也。

或難曰。子談車戰之效。既鑿鑿矣。倘彼以萬人
之衆。穿地以為長溝。溝之上。積以起土。則吾
之輪有所扼。馬有所制。而不得行。是坐受困
矣。可奈何。予笑曰。彼之力。能掘地為溝。我之
力。獨不能平溝為地乎。且用車之力。即當思
濟車之窮。奈何為束手恃器之說也。而又不
聞六韜軍用之說耶。渡溝。塹。飛橋。一問。廣一

丈五尺長二丈以上著轉關轆轤欲易動也八具
以環利通索張之張以環利通索欲堅固也渡大水飛江
廣一丈五尺長二丈以上八具以環利通索
張之雖長河大江可以立濟咫尺之海何足
為疑

或難曰責軍以運車是未見敵而先竭其力于
推輓矣必不可答曰約計一軍當身器申糧
糗不下四五十斤負四五十斤而趨不一舍
疲矣再舍三舍疲極矣猝然遇敵豈能戰乎

有車以代為之載。正息其力也。豈竭其力哉。
或難曰。軍士不諳推輓。強令之。恐有破輹折軸
之患。奈何。答曰。古人行軍。自戰士之外。必另
設廝徒。負養之卒若干人。應于每隊。約給火
夫二名。行則專主車務。止則專司樵汲。此兵
法所謂以治勝者也。客謝而去。

牌制


夫平原廣野。結營禦衝衛蔽。矢石此車之所宜
也。若乃仰坂越險。卑下泥濘。短兵相接。矢石交

擊非牌何以蔽翼此亦陣中之要具不可少也
水陸舟車皆可為用即古櫓盾之屬以其能衛
蔽也國初之制以木加草重而不利於步近福
建以藤為之雖輕便而不能避矢石或以生牛
草二層縫成內實以木棉桑皮紙輕便堅利能
禦矢石火彈可以代甲冑之用然牌主衛而不
主刺須以長短器械為之應援其法具後

用牌

用牌之法須擇膽力輕捷健壯者授之以法置

於行伍之先為衆人之藩衛次用鎗手四人傍
牌後遮身次用斧手二人再次用銃手四人長
短相間迭為應援此用牌之大法也牌兵有失
通隊俱斬



於此公之先為衆人之滿
後遂與公之子二人再收
則其用之天法也

卷之八

